



91408

乾 隆 癸 丑 年 鐫

玉山杜綱草亭氏編次

雲間許寶善穆堂氏批評

北史演義

門人譚載華南溪氏校訂

敘

今試語人曰爾欲知古今之事
乎人無不踴躍求知者又試語
人曰爾欲知古今之事盍讀史
人罕有踴躍求讀者其故何也
史之言質而奧人不耐讀讀亦
敘



一

罕解故唯學士大夫或能披覽
外此則望望然去之矣假使其
書一目了然智愚共見人孰不
爭先覩之爲快乎晉陳壽三國
志結構謹嚴敘次峻潔可謂一
代良史然使執卷問人往往有

國史館藏
書箱
永清圖
藏書

不知壽爲何人志屬何代者獨
三國演義雖農工商賈婦人女
子無不爭相傳誦夫豈演義之
轉出正史上哉其所論說易曉
耳然則北史演義之書詎可不
作耶雖然又有難焉者夫三國
敘

二

演義一編著忠孝之謨大賢姦
之辨立世係之統而竒文異趣
錯出其間演史而不詭於史斯
真善演史者耳兩晉隋唐皆不
能及至殘唐五代南北宋文義
猥雜更不足觀敘事之文之難

如此况自魏季迄乎隋初東屬
齊西屬周其中禍亂相尋變故
百出較之他史頭緒尤多而欲
以一筆寫之不更難乎草亭老
人潛心稽古以爲此百年事蹟
不可不公諸見聞於是宗乎正

敘

三

史旁及羣書搜羅纂輯連絡分
明俾數代治亂之機善惡之報
人才之淑慝婦女之貞淫大小
常變之情事朗然如指上羅紋
作者欲歌欲泣閱者以勸以懲
所謂善演史者非耶余嘗謂歷

朝二十二史是一部大果報書
二千年間出爾反爾倥得倥失
禍福循環若合符契天道報施
分毫無爽若此書者非尤大彰
明較著者乎余故亟勸其梓行
而爲之序

叙

四

乾隆五十八年歲在癸丑端陽
日愚弟許寶善撰



北史演義凡例

一見書起自魏季。終於隋初。凡正史所載。無不備錄。間採稗史事跡。補綴其闕。以廣見聞。所未及。皆有根據。非隨意撰造者可比。

一是書以北齊為主。緣始於爾朱氏。而宇文氏繼之。故皆詳載始末。而於北齊事則尤詳。

一敘戰事。最易相犯。書中大小數十餘戰。或鬪智。或角力。移形換步。各各不同。

一兵家勝敗有由。是書每寫一戰。必先敘所以勝

北史演義

凡例

一

敗之故。或兵強而敗。形已兆。或兵弱而勝。勢已成。結構各殊。皆曲曲傳出。俾當日情事。閱者了然。心目。

一書中敘夢兆。敘卜筮。似屬閒文。然皆為後事埋根。此文家草蛇灰線法也。

一敘事每於極忙中。故作閒筆。使忙處不見其忙。又忙處益見其忙。

一是書每寫一番苦爭惡戰。死亡交迫。閱者方驚魂動魄。忽接入閨房燕昵。兒女情長瑣事。以間

之濃淡相配。斷續無痕。總不使行文有一直筆。一
是書頭緒雖多。皆一線貫穿。事事條分縷晰。以
醒閱者之目。

一 是書敘事。有不使卽了而留於他事中方了之
者。有畧於本文而詳於旁述者。要看他用筆伸
縮處。

一 書中緊要事。必前提後繳。以清眉目。

一 書中緊要人。皆用重筆提清。令閱者着眼。

一 敘書中勇將。若爾朱兆。高敖曹。彭樂。賀拔勝等。

北史演義

凡例

二

同一所向無敵。而氣槩各別。開卷卽見。

一 高氏妃嬪。婁妃以德著。桐花以才著。爾朱后鄭

娥以色著。故不嫌詳悉。餘皆備員。可了卽了。以

省閑筆。

一 孝莊誅爾朱榮。周武誅宇文護。蘭京刺高澄。皆

猝起不意。事極忙亂。寫得面面都到。筆意全學

龍門。

一 書中女子以節義著者。如西魏宇文后。殉節於

少帝。爾朱妃嬋娟。殉節於陳留王元寬。岳夫人

靈仙殉節於高王齊任城王妃盧氏家滅不改節周宣帝后楊氏國亡不變志皆用特筆表出以示勸勉之意。

一凡敘男女悅好最易傷雅此書敘魏武靈后暹幸清和齊武成后私幸姦僧高澄私通鄭娥永寶私通金婉無不曲折詳盡而不涉一穢褻之語避俗筆也。

一齊之文宜淫暴極矣又有武成之淫亂周天元之淫虐繼之卷中列載其事以見兇亂如此終

北史演義

凡例

三

歸亡滅使人讀之凜然生畏。

一敘高氏官室壯麗庭院深沉府庫充實內外上下規矩嚴肅的是王府氣象移掇士大夫家不得非若他書形容朝廟威儀宛似市井富戶模樣也。

一歡逐君泰弑主歡居晉陽遙執朝權泰居同州獨握政柄泰戰敗幾死於彭樂歡戰敗幾死於賀拔勝泰勸帝娶蠕蠕國女歡亦自娶蠕蠕國女歡死而洋篡位泰死而覺竊國歡之子孫戕

於一本。秦之諸子。亦戕於骨肉。其事若遙遙相對。唯秦女爲后。殉節歡女以帝后下嫁。則歡好色而秦不好色。故所以報之者亦殊。南朝事實。有與北朝相涉者。畧見一二。餘皆詳載南史演義中。卽行續出。

北史演義

凡例

四

北史演義目錄

玉山杜 綱草亭編次

門人譚載華校訂

雲間許寶善穆堂批評

第一卷

魏宣武聽讒害賢

高領軍固寵獻女

第二卷

于皇后暗中被弑

彭城王死後含冤

第三卷

改舊制胡妃免死

立新君高肇遭刑

北史演義 目錄

第四卷

白道村中困俊傑

武川城上識英雄

第五卷

怒求婚蘭春受責

暗行刺張僕亡身

第六卷

諧私願六渾得婦

通承幸元懌上蒸

第七卷

幽母后二賊專權

失民心六鎮皆反

第八卷

太后垂簾重聽政

統軍滅賊致亡身

第九卷

騁騎射沃野遇仙

迫危亡牛山避寇

第十卷

五原路破胡斬將

安亭道延伯捐軀

第十一卷

天寶求賢問劉貴

洛周設計害高歡

第十二卷

剪劣馬英雄得路

庇倖臣宮闕成仇

北史演義

目錄

二

第十三卷

賜鐵券欲圖邊帥

生公主假作儲君

第十四卷

內釁成肅宗遇毒

外難至靈后沉河

第十五卷

改逆謀重扶魏主

賈餘勇大破葛榮

第十六卷

魏元顥長驅入洛

爾朱榮救駕還京

第十七卷

趙嬪無辜遭大戮

世隆通信洩羣謀

第十八卷

明光殿強臣殞命

北中城逆黨屯兵

第十九卷

戰丹谷陣亡伯鳳

縮黃河天破洛陽

第二十卷

救帝駕逢妖被阻

戰恒山釋怨成親

第二十一卷

爾朱兆晉陽敗走

桐花女秀容立功

北史演義

目錄

三

第二十二卷

立廣陵建明讓位

殺白鵠高乾起兵

第二十三卷

假遣軍六鎮願反

播流言萬仁失援

第二十四卷

據鄴城四方響應

平洛邑百爾歸誠

第二十五卷

立新君誓圖撥亂

遇舊后私逼成婚

第二十六卷

運神謀進兵元旦

洎窮寇逼死深山

第二十七卷

乙弗氏感成奇夢

宇文泰獲配良緣

第二十八卷

思政開誠感賀拔

虛無作法病高王

第二十九卷

妖術暗侵凶少吉

神靈阿護死還生

第三十卷

宇文定計敵高王

侯莫變心害賀拔

北史演義

目錄

四

第三十一卷

黑獺興師滅陳悅

六渾演武服婁昭

第三十二卷

魏孝武計滅晉陽

高渤海進兵京洛

第三十三卷

逼京洛六渾逐主

奔長安黑獺迎君

第三十四卷

娶國色適諧前夢

遷帝都重立新基

第三十五卷

送密函還詩見拒

私宮婢借徑圖成

第三十六卷

施邪術蠱惑夫人

審私情加刑世子

第三十七卷

改口詞曲全骨肉

佯進退平定妖氛

第三十八卷

黑獺忍心甘弑主

道元決志不同邦

第三十九卷

夢遊仙玉女傳音

入輔政廷臣畏法

北史演義

目錄

五

第四十卷

潼關道世寧捐軀

鎖雲軒金婉失節

第四十一卷

結外援西魏廢后

棄羣策東鄴亡師

第四十二卷

遼河陽救曹殞命

敗黑獺侯景立功

第四十三卷

歸西京一朝平亂

懼東鄴三將歸元

第四十四卷

私靜儀高澄囚北

逼瓊仙仲密投西

第四十五卷

縱黑獺大將懷私

克虎牢智臣行計

第四十六卷

玉儀陌路成婚媾

勝明誓願嫁英雄

第四十七卷

攻玉璧高王疾作

據河南侯景叛生

第四十八卷

用紹宗韓山大捷

克侯景渦水不流

北史演義

目錄

六

第四十九卷

烹荀濟羣臣惕息

杖蘭京逆黨行兇

第五十卷

陳符命羣臣勸進

移魏祚新主登基

第五十一卷

宇文后立節捐軀

安定公臨危托後

第五十二卷

晉公護掌朝革命

齊主洋亂性敗常

第五十三卷

燒鐵籠焚死親弟

棄漳水殺盡諸元

第五十四卷

齊肅宗叔承姪統

周武帝弟繼兄尊

第五十五卷

棄天親居喪作樂

歸人母懼敵求成

第五十六卷

爭宜陽大兵屢却

施玉珽天誅亟行

第五十七卷

和士開穢亂春宮

祖孝徵請傅天位

北史演義

目錄

七

第五十八卷

瑯琊王擅除宵小

武成后私幸沙門

第五十九卷

齊後主自號無愁

馮淑妃賜稱續命

第六十卷

拒敵軍延宗力戰

襄宗社後王被擒

第六十一卷

將帝鬚老臣愛國

捫杖痕嗣主忘親

第六十二卷

修舊怨股肱盡喪

矯遺詔社稷忽傾

第六十三卷

隋公堅攬權竊國

尉遲迥建義起兵

第六十四卷

代周家撫臨華夏

平陳國統一山河

北史演義

目錄

吳門甘朝士局刻

八

魏孝莊帝



北史演義

像讚

憂危承祚隱忍圖存卒
誅大逆義正乾坤終不
免於亂賊之手兮悲氣
運之銀屯

煮石子題

胡太后仙真



北史演義

像讚

二

心存社稷兮 祝宜男

樂極悲生兮 淫慾耽

嗚呼書之史冊能無

慙 煙水釣叟題

渤海王高歡



北史演義

像讚

三

將飛翼伏將翔爪縮
虎奮龍驤威震遠服
奸人之雄衆中推獨
炊雲散人題

婁妃昭君



北史演義

像讚

四

預識英雄兼通經濟

度量能容忠孝弗替

巾幗獨尊賢眉有愧

九峰逸人題

世子高澄



北史演義

像讚

五

英俊特出聰慧性成躬
膺佐輔渙色喪生名為
佳兒匪家之貞

自怡主人題

太原王尔朱榮



北史漢義

像讚

六

恃其智勇蟻視羣生
逆肆君上禍酷箝纓
惡極禍隨天道惡盈
觀往鑒來奸雄是懲

硯子題

尔朱后媚



北史演義

像讚

七

玉貌花生豔弓鞋步蹴蓮
主昏爭愛寵節毀愧貞
堅薄命由來惜遺孤可
得全披圖一憑弔愁絕
為娟

寶華居士題

恒山夫人胡桐花



北史演義

像讚

八

羨窈窕兮心靈如珠
善妙術兮氣雄萬夫
彼姝之子誰與如
四香居士題

楚國夫人鄭娥



北史演義

像讚

九

宮綽約海淫夢遊仙

兮乘風雲係耶妖耶

吾曾莫知其兩云

耕石野史題

蠕之公主



北史演義

像讚

十

英之俊爽心慕雄風入
嬪渤海柔外剛中卒能
守柏舟之操誠哉異域
之女宗

棠花主人

宇文丞相黑獺



像讚

北史演義

十一

智深勇沉節儉自飭將兵
如神風雲變色包藏禍心
機不可測治世之良亂世之
賊

草亭居士書

賀拔勝



北史演義

像讚

十一

臨陣慷慨兮出鬼入神貞心
不貳兮從黑獺以求伸悲
以暴而易暴兮常血淚之
沾巾終賣志而沒世兮洵
西魏之忠臣 拈花散人書

高敖曹



北史演義

像讚

三

嗚呼
稱霸王以少擊
衆兮
莫之敢當
則則必折
兮
終敗死於疆場

卧雲散僊題

彭樂



北史演義

像讚

十四

截腸大戰勇冠三

軍如飛如翰矯

席臣

卧雲子題

馮淑妃小憐



北史演義

像譜

五

艷冶之姿送妖媚
蠱惑後主心似醉
更殺一國邦國瘁
執香居士

斛律光



北史演義

像讚

其

齊之宗臣智勇兼備
忠以謙成遇讒而墜
壞爾長城去敵所忌
國祚云亡志士流涕

壺天外史書

北史演義卷一

玉山杜 綱草亭編次


雲間許寶善穆堂批評

門人譚載華校訂

第一卷

魏宣武聽讒害賢

高領軍固寵獻女



粵自炎漢之末。天下三分。曹操誇有中原。孫權雄據江東。先主偏安西蜀。鼎峙者數十年。司馬氏興。篡魏滅蜀。吞吳。四海一統。晉武帝崩。惠帝繼立。庸懦昏愚。賈后亂政。諸王日尋干戈。遂成五胡之亂。劉淵稱漢。

北史演義

卷一

一

李特號蜀。劉曜繼漢。而稱前趙。石勒滅曜。而稱後趙。前秦則符氏。後秦則姚氏。西秦則乞伏國仁。燕則前有慕容廆。後有慕容垂。西為慕容冲。南為慕容德。其後馮跋據昌黎。又稱北燕。涼亦分四。前涼張軌。後涼呂光。南涼秃髮烏孤。西涼李暠。北涼沮渠蒙遜。而赫連勃勃據朔方。國號大夏。晉之子孫在北者。屠滅殆盡。唯瑯琊王睿。係宣帝曾孫。相傳其母夏侯妃。通小吏牛金而生。當日見中原大亂。遂同西陽王蒙等渡江南來。眾遂奉之為君。延西晉之統。而棄中州於不

問一任五胡雲擾。互相吞噬。於時拓拔跬興於代北。改代稱魏。乘燕慕容氏衰。南取并州。東舉幽冀。國日以大。晉安帝隆安二年。卽帝位。建都平城。是爲道武皇帝。道武殂。明元帝立。明元殂。太子肅立。是爲太武帝。其時諸邦皆滅。唯北京北燕夏三國尙存。太武悉平之。除却東南半壁。中土皆爲魏有。太武殂。延及文成。獻文。國家無事。孝文卽位。寬仁慈愛。精勤庶務。以平城地寒。遷都洛陽。改稱元氏。性好讀書。善屬文。詔策皆自爲之。好賢樂善。百姓皆安。天下大洽。魏世稱

北史演義

卷一

二

爲極盛。

歷敘前代世次詳核明淨

使承其後者。克肖其德。則魏業

之隆。可傳之千世萬世。何至一傳而後。奸雄並起。遂成高氏。宇文氏篡奪之禍哉。賈子曰。天下大器也。置諸安處。則安置。諸危處。則危。語云。物必先腐也。而後蟲生之。自古敗亡之禍。未有不自朝廷無道始也。話說魏自孝文帝崩。太子恪立。是爲宣武帝。帝年十六。不能親決庶務。委政左右近臣。最用事者。國丈于烈。皇舅高肇。肇又尙帝姑高平公主。與于烈並爲領軍。手握重兵。權重一時。羣臣側目。雖諸王亦皆畏之。時

有咸陽王元禧。係獻文帝子。與于烈不睦。見帝寵信他。屢加顯職。而身為帝叔。反遭疎忌。深懷怨望。府中蓄養丁壯。招納四方術數之士。與御前直寢符承祖。薛魏孫。黃門侍郎李伯尚。直閣將軍尹龍武。結為死黨。尚待朝廷有變。從中舉事。一日帝將駕幸北邙。六軍從行。禧謂承祖。魏孫曰。主上出幸。京師虛弱。汝等為侍駕臣。朝夕在側。圖帝甚易。吾起於內。汝應於外。大事可立成。以弒逆事為見。戲取死之道。富貴共之。二人應諾而去。次日遂集其黨數十人。在城西宅內。同議起兵。尹

北史演義

卷一

三

龍武曰。主上雖出。高肇于烈留守。必有嚴備。府中兵士。何足以濟。貿然為之。恐無成。而受禍。王宜緩之。伯尚亦以為不可。於是眾皆疑懼。其謀遂寢。再說帝在邙山。因天氣酷熱。乃止於山之浮屠陰處。擺設卧具。假寐帳中。直寢薛魏孫。符承祖。先預逆謀。而咸陽疑懼中。止却未之知。魏孫見帝睡熟。將利刃藏於衣底。便欲行刺。走至帳下。見帝容貌如神。未敢下手。承祖從後牽其衣曰。吾聞殺天子者。身當癩。汝何利乎。魏孫持刀而退。此等皆無知狂妄之徒。元禧結之為心腹。不欺何待。帝開眼見二

人密語。形狀閃爍。忙卽起身。時于烈之子于登亦司直寢。適至階下。帝遂呼令執之。隨駕者俱到。搜出利刃。將二人背剪。帝親拷問。二人料難瞞隱。大呼曰。非臣敢反。乃咸陽王敎臣如此耳。帝大驚。遂囚二人於幕下。忽御前軍士奏報。拿獲一人。劉小苟。係咸陽親卒。來告咸陽反狀。帝訊之得實。恐京師有變。深爲疑懼。于登奏曰。臣父爲領軍。必無所慮。帝乃遣登飛馬入京觀之。登至京。其父于烈已下令嚴備。使登回奏曰。臣雖朽邁。心力猶足。禱等猖狂。不足爲慮。願帝徐

北史演義

卷一

四

還。以安人心。帝聞奏大悅。謂登曰。朕嘉卿忠款。賜卿以忠爲名。於是于登改名于忠。帝遂連夜起駕。五更卽抵皇城。入宮後。卽着于烈父子領兵去捉咸陽。且說咸陽王謀叛不成。心不自安。尙不知事已敗露。與兩個愛姬申屠夫人。張玉妹。宿於洪池別館。不知深計。但娛聲色。真妾人也。夜半左右來報。有千萬馬嘶之聲。從洪池西北而來。王大驚。知事洩。急上馬走。二姬及心腹二三十人。亦狼狽上馬。相從而逃。行未數里。兩姬在後。已被捉去。從人皆散。單存尹龍武一人。因向龍武道。今

投何處去好。龍武道：不如投梁。蓋其時南朝已易四代。正值梁武開基。故龍武勸其南奔。咸陽不應。龍武道：我生死從王。今追兵已近。奈何。行至栢塢嶺。于烈父子追及。遂與尹龍武一同被執。解至洛陽。帝命囚之。華林都亭使軍士守之。時熱甚。帝勅斷其水漿。咸陽渴悶垂死。侍中崔光見而憐之。進以酪漿。升餘王始蘇。却說咸陽兄弟七人：長孝文、次咸陽、三趙郡王、四廣陵王、五高陽王、六彭城王、七北海王。昆弟中唯彭城王勰最賢。當日聞咸陽反事。不勝悲悼。因在帝前與諸王大臣共議咸陽之罪。勸帝斥為庶人。幽之內省。盡其天年。帝未決于烈、高肇共奏道：咸陽無父無君。死罪難赦。帝從之。乃命歸舊邸。并其妃李氏同日賜死。幽其子女。黨叛者皆斬。籍沒財產。以賜高子兩家。選其歌姬舞女充入內廷。有舊宮人感咸陽之恩。作歌悲之。其歌曰：

可憐咸陽王。奈何作事悞。
金床玉几不能眠。夜宿霜與露。
洛水湛湛彌長岸。行人

那得渡。
歌極古雅

其歌流至江表。北人之在南者。聞之無不灑淚。再說彭城友愛異常。當日不能救咸陽之死。心甚慘戚。後又聞其長子元通逃往河內。太守陸秀家。秀不念舊恩。殺之。封首入朝。陸秀小人心益悲痛。故不遇朝謁。終日在府悶坐。一日有天使來召入朝。見帝。帝賜坐。啟口道。有一事勞卿。卿爲朕玉成之。朕大婚三載。尙無子嗣。今聞已故皇舅高偃有女秀娥。年十六。前日高平公主來朝。稱說其女才色兼備。德貌無雙。朕欲納之。煩卿去宣朕意。彭城知事出高肇。欲圖椒房之戚。以

北史演義

卷一

六

固其寵。便奏道。此係文昭皇后姪女。於陛下爲表姊妹。不宜充作妃嬪。帝曰。此却何害。朕欲遣卿去者。觀其色果何如耳。彭城不敢違。先至肇家。宣達帝意。然後與肇同至偃府。肇令秀娥出見。果然天姿國色。暗想此女入宮。必得帝寵。但眼俊眉豐。恐無淑德。況肇非良善。現已恃寵弄權。將來又得內援。必更橫行無忌。貽禍國家。憂國苦心因卽起身相別。回奏道。此女雖有顏色。但輕盈而無肌骨。恐非受福之人。帝聞奏。遂置不問。肇知之。深怨彭城。一日帝坐便殿。直寢于忠侍

帝偶言高偃女有美色。彭城言其福薄不可入宮。朕甚惜之。忠亦與彭城不睦。因言彭城悞我主矣。此女美麗如仙。豈無異福。帝遂決意納之。便命有司具禮迎入。帝見秀娥芳華淑質。光采動人。後宮罕有其匹。不勝驚喜。是日卽冊爲貴嬪。寵冠六宮。於是疑彭城爲欺。已益加恩高氏。伏彭城見疎賜死之由且說魏自孝文以

來。崇尚佛教。大興寺院。王侯貴家女子。有入道修行者。武安伯胡國珍之妹。在胡統寺爲尼。號曰靜華。真淨禪師以家門貴顯。住持山門。國珍夫人皇甫氏久

北史演義

卷一

七

無生育於太和十三載。忽然懷孕。生下一女。紅光紫氣。照耀一室。國珍奇之。有卜人趙明者。密令卜之。趙云。此女大貴。異日當爲天下母。但恐不獲善終。國珍大喜。名之曰仙真。此卽武靈胡太后也。提後夫人又

生一女。名曰瓊真。夫人早卒。二女皆幼。淨師哀其無母。攜仙真入寺。撫養仙真漸長。性質聰明。妙通文墨。聖經佛典。一覽便曉。容色更極美麗。淨修初欲收之爲徒。恐其不了。年十六。送歸國珍。時帝以皇嗣不生。引僧道於朔望日。在式乾殿廣修善事。召集諸王附

馬宰輔大臣講求佛典。又齋僧衆於廣陽門以求太子。后亦延召女僧於後宮誦佛求福。國珍妹淨師亦入講經。于后見其精通佛典甚加敬重。每入宮輒二三月不出。朝夕談論情意投合。敘明胡后進宮全是淨師引入一日

后語淨師曰。師在外見有良家女子才色兼備者乎。淨師道。有后問誰家之女。淨師道。尼兄國珍之女年十七名仙真。才貌德性世無其偶。后曰。汝能引來一見乎。淨師道。娘娘欲見此女。尼卽帶他來見。但宮禁深嚴。出入恐于未便。后曰。汝奉我命有何干礙。淨師

北史演義

卷一

八

應諾而去。遂到胡國珍家。傳述于后之命。欲見仙真。着他帶領入宮。國珍道。女孩兒家從未識朝廷禮數。如何見得帝后。淨師道。姪女白幼聰慧。入宮見駕。斷不至於失禮。況有我在。可以無憂。因向仙真道。后命難違。定當從姑。入見汝心懼否。仙真曰。后猶母也。以女見母。何懼之有。語便國珍淨師聞之皆喜。次日五

更起身。遂同淨師入宮。宮門上見是淨師。往來慣熟。便卽放入。淨師先至。后前奏知。然後帶領仙真。跪在金階。行朝拜之禮。口呼娘娘千歲。于后便命平身。召

上賜坐。細看仙真。態度端凝。容顏美麗。啟口之間。不但聲音清楚。亦且應對如流。心中大喜。仙真初入。內不敢久留。便卽告退。后以明珠一粒賜之。暗裏已經聘定仙真拜謝。內侍送出宮門。自有家人迎接。回府淨師亦欲辭出。于后道。師且莫歸。我尚有話與你說。未識于后所言何事。且聽下回細講。

自古興亡之機。決於敬肆兩端。而女禍爲尤烈。蓋女一專寵。心神迷惑。邪言易入。政事易弛。外家必至倚寵專權。把朝局弄得七顛八倒。鮮有

北史演義

卷一

九

不敗亡者。自三代季世。及歷朝以來。往往如是。此書欲言魏之敗亡。先敘仙真入宮。如泰山之雲。起於膚寸。深得草蛇灰線之妙。

北史演義卷二

玉山杜 綱草亭編次

雲間許寶善穆堂批評

門人譚載華校訂

第二卷

于皇后暗中被弑

彭城王死後舍寬

再說于后留住淨師不放。淨師只得住下。啟問有何旨意。于后道我因皇嗣未生。欲採良家之女。以充嬪御。今見汝兄之女才貌若此。正堪作嬪王家。我當奏知官家。納之後宮。汝意以爲可否。淨師道此女蒙娘

北史演義

卷二

一

娘不棄。便是莫大之恩了。但臣兄素愛此女。臣尼不能作主。須與臣兄言之。于后道汝兄胡國珍亦朝廷大臣。自當待其心肯。方可相召。卿今速回。與而兄言之。淨師奉了于后之命。卽到國珍家來。斯時仙真方歸。正在堂中。告訴于后相待之厚。忽報淨師至。父女接見。兩下坐定。淨師道方才正宮有命。以嬪嬙未備。欲選淑女。甚愛仙真德性溫柔。儀容俊雅。欲奏知天子。納于後宮。特命我來作合。未識兄意允否。國珍道后雖寬仁。而高妃正當寵幸。我女入宮。恐終見棄。是

悞他終身了。竊以為不可。淨師道兄不憶卜者言乎。進宮以後。若生太子。貴不可言矣。因回顧仙真道。汝意云何。仙真道身為女子。恨不能置身通顯。光耀門閭。入宮倘有遭際。亦可榮及父母。此兒之願也。志不在小非尋常女子可比。國珍見女已久。不好推却。淨師入宮復命。

明日即有天使聘召。國珍只得送女進宮。帝見仙真。雖不及高妃之美。而容顏亦復不羣。因即拜為充華。后見之。愈加歡喜。撥給宮女十二名。賜居紫華宮。充華自念帝眷若此。朝夕便得承幸。那知正值高妃得

北史演義

卷二

二

寵之時。帝無心別戀。在宮數月。不得見帝一面。于后不悅。曰。帝若無情此女。吾悞之矣。入宮不即承幸。又主出許多曲折。

一日充華來朝。后命之曰。今日聖駕必來。吾所。吾邀帝同至汝宮。汝速回去。設宴以候。充華領命。未幾帝與后果至。充華接駕。帝賜坐于旁。后謂充華曰。今日駕來。汝不可不作主人。充華設宴上來。帝與后上坐。身自陪飲。也是充華福。至心靈。顧問之際。語語合意。帝大悅。后曰。聞汝善簫。試吹一曲。佐酒。充華承命。便取出玉簫吹弄。果然聲情婉轉。餘韻繞梁。帝心益喜。

留連至晚。不覺沉醉。后命宮女扶帝入寢。謂充華曰。今夕承恩。小心侍駕。于后可謂不妬矣。言畢起身而去。是夜

充華方沾雨露。至次日。帝始知在充華宮中。追思昨日之事。笑曰。后真世間賢婦也。自此充華常得恩幸。

六宮聞之。皆頌于后之德。願其早生太子。未幾。后果

懷孕。彌月之後。遂生一子。帝大喜。羣臣入賀。下詔蠲

免糧稅。盡赦輕重罪犯。雖謀逆子孫。亦蒙釋放。於是

元禧之子元翼等。亦蒙赦出。彭城哀其孤苦。收養在

家。隨手搭入元翼赦後。事為彭城護罪張本。元翼年已十七。痛遭家變。泣

告彭城。道父死五年。尚埋淺土。願叔父憐之。如得奏

知天子。許以改葬。雖死無憾。彭城念其孝心。帶領元

翼入朝。將改葬咸陽之意。乞恩於帝。帝怒曰。逆臣之

子。得蒙赦宥。已邀寬典。何得更為瀆奏。深責彭城。元

翼歸。見帝怒未息。懼有後禍。遂同元昌。元暉。乘間南

奔梁。武納之。封其職如父。邊臣以聞。高肇因言於帝。

曰。元翼之叛。彭城實縱之。諛言便入。帝於是不悅。彭城。肇

又因子后生子。帝寵日隆。高妃無出。懼後寵衰。密使

人授計于妃。令其害后母子。一日正遇于后誕辰。眾

妃嬪皆朝賀。后皆賜宴。帝與后上坐。餘以次列坐。宴罷。高妃奏帝道。妾感娘娘大恩。愧無以壽明日。妾有小酌。欲屈陛下與娘娘。駕臨迎仙宮。以盡一日之歡。望陛下鑒納。帝謂后曰。不可負妃誠意。朕與卿須領其情。后依帝言。高妃拜謝。明日。帝與后共宴于高妃所。宴後歸宮。后胸中若有宿物。忽忽不樂。三日後。對帝泣道。妾近有疾。痛患莫能救。恐將長別陛下。願陛下撫視太子。使得長大。妾萬幸矣。言訖遂崩。年止十九歲。帝甚悲痛。合宮皆哭。眾盡疑高妃所害。而不敢

北史演義

卷二

四

言。高妃既害后。微聞宮中人言籍籍。因念太子日後若知。必怨高氏貽禍不小。適太子有小疾。因密與肇謀。賄囑御醫王顯下藥害之。太子遂亡。高妃惡極宜後不得善終

眾人共知高氏所爲。而帝亦不究。蓋自高妃擅寵于內。高肇用事於外。雖于烈父子亦不敢與抗也。肇尤忌宗室諸王。每在帝前百端離間。北海王元祥爲人放蕩不節。然無大過。與肇不和。肇譖之於帝。言其黨結私人。意在謀反。帝信之。收付大理寺。廢爲庶人。肇密使人殺之。京兆王元愉。孝文第三子。帝之弟也。性

氣暴急却愛文學。招延名士。朝野稱之。亦為高肇所

忌。進讒於帝曰。譏人罔極信然元愉近見陛下喪了王子。喜

動顏色。謂以次當授天位。近日大散財帛。招合羽黨。

恐非社稷之福。又言因瑤姬事。常常怨望朝廷。補入瑤姬

事見元愉破疎有由先是元愉正妃于氏。即于后妹。及愉為徐

州都督。納楊氏女名瑤姬。容貌昳麗。歌舞絕倫。寵之

專房。遂疎正妃。妃怨之。還朝訴之于后。且言瑤姬有

子。將來必至奪嫡。恐為所制。后怒立召瑤姬責其輕

慢主母。恃寵無禮之罪。命將所生子歸于正妃撫養。

北史演義

卷二

姬不從。后大怒。乃剪其髮。幽之後宮。普陀寺數月。然

後放歸。帝因后言。亦屢責元愉。元愉深以為怨。故擊

言及之。帝聞不能無疑。即下勅收勘諸王賓客。惟京

兆王門下居多。帝怒。斬其最寵者三人。餘皆流徙外

郡。召王入內廷。杖之五十。出為冀州刺史。左右親王

皆不敢救。唯彭城王泣諫曰。元愉年紀尚幼。留之京

中。可加教訓。若委以外任。讒間易行。一旦姦人搆成

其罪。恐陛下不能全手足之愛。帝曰。王法無親。此事

叔不要管。朕有一事欲與叔議。私事遂命百官盡退。

獨留諸王賜坐。帝曰：朕自于后棄世，中宮久虛，今欲
冊立高妃爲后。諸王以爲可否？彭城諫道：私門貴盛，
非國家之福。妃叔高肇，身爲皇舅，又尙主爲附馬，尊
榮極矣。居心不公，屢惑聖聰。若復立其姪女爲后，於
高氏又增一戚。器小易盈，必不利於王家。願陛下別
選名門以正坤位。又結高氏一翻讐恨。帝勃然色變，復問諸王。
諸王知帝意已定，皆唯唯。蓋高妃承寵，帝已私許爲
后。故彭城之言不入。正始五年七月甲午，帝臨大
朝，頒詔天下，冊立高妃爲皇后。羣臣上表稱賀。肇因

北史演義

卷二

六

彭城有諫阻之言，益懷怨怒。思有以中之，再說京兆
王元愉，自以無罪被黜，心懷怨恨。又聞高肇數在帝
前讒間骨肉，不勝忿激，遂據冀州反。引司馬李遵同
謀，詐稱得清河王密啟，云高肇弑逆，天子已崩。四海
無主，爲壇于信都之南，卽皇帝位。改元延平。惡權臣之離間
而躬自反，是使帝愈疑骨肉而益固權臣之寵也。元愉妄極，亦愚極。引兵向關，以討
弑君之賊。長史楊靈法、曹崔伯驥不從，殺之。鄰郡聞
其反，飛馬入京奏報。帝聞大驚，謂高肇道：汝言信不
誣矣。遂命都督李平發兵討之。先是彭城王曾保舉

其母舅潘僧固爲長樂郡太守。郡屬冀州。元愉反。逼之從軍。肇便欲借此以爲彭城罪。因奏道元愉之反。彭城王實使之。現今其舅潘僧固在元愉軍中爲謀主。彭城將爲內應。須先除之。以絕後患。正好借端陷害帝未遽信。謂彭城叔先帝嘗稱其忠。決不至此。肇見其言不行。暗想欲害彭城。必得其私人首告。帝方不疑。乃密誘其手下中郎將魏偃。向防閣將軍高祖珍。引入密室。謂之曰。汝知爾王反乎。與元愉通謀。令舅僧固助逆。帝已知之矣。二人道。我大王素忠於國。必無此

北史演義

卷二

七

事。高肇曰。汝等罪同反逆。死在目前。尙有何辨。二人大懼。伏地求救。肇乃曰。若欲保全性命。當在中書門下。首告彭城反狀。不惟免死。且蒙重賞。二人懼而從之。明日肇到中書省。二人果來首告。便將首詞呈進。奏道。彭城善結人心。非咸陽可比。今反狀已著。若不除之。恐禍生旦夕。昔成王誅管蔡。亦此意也。讒人之口偏會說得帝尙猶豫。肇又道。陛下若不忍顯加誅戮。托以

有理。帝尙猶豫。肇又道。陛下若不忍顯加誅戮。托以賜宴召入宮內。殺之。帝然其言。乃命設宴麒麟殿中。遍召王叔王弟。同來赴宴。是日彭城正妃李氏正當

臨產。天使來召。固辭不去。帝不許。連遣二十餘使。相屬於道。彭城心疑。何相召之急若此。莫非帝心有變。將不利于我。遂進別夫人李氏。帝命難辭。看來此行凶多吉少。只怕無復相見之日。言之淚下。可憐夫人道。只因吾王諫阻立后。結怨高氏。妾心常懷憂懼。今日此去。倘被暗算。奈何。正憂慮間。忽報天使又至。彭城遂出外堂。方欲登車。內使又報。夫人生下一子。請王入視。彭城重復進房。細看新生之兒。相貌端好。歎道。見雖好。恐我不及見。見成立。隨取筆寫子攸兩字。

北史演義

卷二

八

命名而出。此子卽魏孝莊帝也。

提清

於是入朝。帝問叔

來何遲。彭城奏道。臣妻生子。故遲。帝召帝不語。但命

諸王入席。因言今日須當暢飲。以副朕懷。衆皆遵旨

飲宴。至夜。諸王皆醉。笙歌間作。燈燭輝煌。已是一更

時分。華筵狼籍。樂聲將歇。皆謝恩求退。帝傳旨。諸王

都不消回府。卽在宮中。各就安處。帝便起駕入宮。二

侍者引彭城入中常寺省。床幃衾枕。無一不備。王雖

有酒。却尚未醉。倚床獨坐。良久。有內侍稟道。時已二

鼓。大王該安寢了。

開閑敘來自
有慘氣逼人

彭城寬去袍帶。方欲

就寢忽見左護衛元珍領武士數十手執利刃持藥酒而入彭城不覺失色忙問何事元珍道有詔賜王死姦臣毒手彭城曰我得何罪元珍道帝以王遣潘

僧固私通元愉通同謀反有王親臣魏偃向高祖珍首告故賜王死王曰願請一見至尊與告者面質雖死無怨元珍道至尊那可得見彭城嘆道此非帝心必出自高肇意武士見其遲疑逼之立飲藥酒又不能卽死武士持刀刺殺之時年三十三歲極慘明日有旨彭城昨夜飲酒過多薨於禁中乃以錦褥裹屍送

北史演義

卷二

九

之歸府朝臣皆爲流涕如李氏撫屍哭曰高肇何讐害我賢王士民聞之莫不欲歔嘆息帝知人心哀怨欲掩殺叔之名詔百官臨喪厚加祭贈諡曰武宣以長子嗣爲彭城王拜李氏爲彭城國太妃以慰其心自此諸王貴戚莫不喪氣而政權盡歸高肇矣但未識元愉之反作何結果且聽下回分解

宣武本昏庸之主又痼于高妃之色以至不保其骨肉不保其妻子可憐可歎至高肇之獻女固寵嫉妬害賢小人情狀自是如是

